

四庫全書

集部

欽定四庫全書

集部

西坡類稿卷十七

三至

詳校官起居注主事臣顧宗泰

助教臣常循覆勘

總校官檢討臣何思鈞

校對官編修臣勵守謙

謄錄監生臣朱腹松

欽定四庫全書

西坡類稿卷十三

吏部尚書宋肇撰

述鹿軒詩

重陽日天岳禪師以詩集見寄聞師已來吳門即用集中贈孟舉原韻奉答二首

當官自許世情疎寥景高軒落木初上客前宵纔賦別  
謂孟道人九日有來書參從名嶽機鋒迥句竚寒花氣  
采

格殊聞道半塘留拄杖隔城隱隱聽鐘魚

園官節物薦香橙發興翛然已洞庭幾日快乘黃篾舫  
與公遙入白雲層因緣晚歲知非偶瓶拂空山愧未能

待得新詩同賦後寄聲廬阜打包僧

時高足心贊  
方住開先

九日池上示子湘

秋色連朝攬最多霜威欲倒半池荷乍憐黃菊窺人在  
未逐青山奈老何舊雨每來方外札新詩偶向水邊哦  
相看一笑清如鵠惟有韋菴與亦窩

子湘  
別號

附和前韻

邵長蘅

芙蓉颶雨風折荷池上浙憑秋聲多薰薰霜髭從作  
客寂寂寒花聊放歌青山城外晚逾翠白鴈燈前影  
乍過賴是謝公吟興好詩成屬和許羊何

秋日泛舟橫塘遇畫公藻上人同過雙橋菴即事

有作

臥聞孔雀叫喜茲秋日晴凌晨喚牒子隨意橫塘行雙  
橋背城郭山水相映清刈稻時未了極目黃雲平渺重

風乍拂入耳瑟瑟聲道遇兩禪客高話懷抱傾矮屋就  
破寺野飯惟蔓菁晝公天童裔法海咷長鯨餘事作詩  
老座與石門爭謂孟舉藻師後來秀頗號琴理精為我皷

一曲幽韻流茅櫺落日催返櫂霜月當頭明緩緩歌水  
調無使宿鶩驚

寄查梅壑

誰擅書畫塲元明兩文敏華亭得天授筆墨絕畦畛梅  
壑黃山翁老向竹西隱崛起藝苑中華亭許接軫昨摹

平原帖丰骨何遒緊更圖獅子林嬾瓊韻未泯祇今年  
八十抵掌談玄牝興發自清夜深杯每獨引當其揮灑  
餘卷軸如束筍破紙及斷纊求乞無遠近聞君初生歲  
上與華亭準印鐫後乙卯好事供一聽梅壑與華亭同  
干文嘗鐫一章  
曰後乙卯生維余托同調思君憂心慙一官坐束縛欲往愁  
靽鞬因風寄此篇望氣等關尹

示族子舉

莊敏山額後於今已百年何人復其始維爾得諸天守

口三緘在窮經一榻穿白頭竹林叟歲晚藉周旋

高江村詹事舟過吳閩得縱觀所藏書畫臨別以

董文敏江山秋霽卷見贈作歌紀事錄卷尾

昭代鑒賞誰第一棠村已歿推江村五年當湖暫休沐  
摩挲卷軸窮朝昏昨歲寄我銷夏錄雲烟過眼實弟弟  
今年奉

召北赴

闕書畫船泊胥江濱相見不暇作絮語珊瑚之網出異

珍金題玉躞得未有傾囊倒篋縱橫陳卷舒寧辭脈我

手聳肩靜對不欠伸三日眠食為之廢有時大叫忘主

賓富春山圖表生帖無上妙跡欣相親楓橋祖席興不

極華亭畫卷許更捫煙江

煙江疊嶂圖

秋霽兩奇絕氣韻生

動真天人秋霽長不滿三尺高麗表紙光如銀一重一

掩師造化一樹一石絕點塵從來詩理即畫理芙蓉朝

日相鮮新跋云古人不我見大癡心折定九原朱印燦

燦色奪目

朝鮮國王印

點綴更足重璵璠先生好我舉相贈

題識數語情彌敦欲辭不得拜命辱包裹脫我衣與巾  
要我長歌記勝事報辭良愧薄且貧歸來重展燭屢跋  
缺月光射莓牆根苦吟攢眉作山字句雖不警事則真  
錄入卷尾更寄似此詩此畫爭千春

歲暮池上用韓子蒼次胡元茂館中直宿韻

文書撥不開幾廢食與眠鎖印揩老眼擬向山水看東  
軒坐朝霽小池風生瀾偶折鈺尉花載泛堯峰泉吟懷  
忽跌蕩咫尺煙波寬惟有池上鶴刷羽同清寒

論畫絕句二十六首

真贗何須苦辨之邢夫人至尹能知夜無燈火分明在

此語雖誇理未奇

余嘗云黑夜以畫畫至摩掌而嗅之可別真贗

退谷先生

孫侍郎

許數過高齋三雅共摩挲偶披五石

瓠中日始恨當年未見多

侍郎以楊補之竹趙子固水仙王元章梅為三雅因以名

齊五石瓠  
為劉繼芳

棠村

真定梁相國

座上見聞新好古應知自有真

一語殷勤

忘不得別來長歎巷無人

真定札中語

坡於摩詰無間言山村小幅曾拜觀天水徽宗對題有斷句憶之日午忘朝餐

宣和供奉王希孟天子親傳筆法精進得一圖身便死

空教腸斷太師京

希孟天姿高妙得徽宗秘傳經年作設色山水一卷進御未幾死年二十

餘其遺跡祇此耳徽宗以賜蔡京京跋云希孟親得上筆法故其畫之佳如此天下事豈不在乎上之作之哉今希孟已死上以茲卷賜太

師臣京展閱深為悼惜云

夏山待渡客爭談未覩令余抱此慚龍宿郊民典型在

長虹貫月自江南

皆北苑名跡

李成關全兩巨手少年曾見長安中名家掩映數十輩  
彷彿大海當迴風

蟹爪樹枝鬼面石河陽大幅太行圖挂起淋漓元氣濕

真成驚倒倩人扶

小米自題瀟湘圖云蟹張此畫定驚倒先請倩人扶著君

密雪煙嵐留寶軸

蘆汀密雪煙風次雨二圖

惠崇僧及巨然僧漫言

筆墨尋常事此際同參最上乘

鐵網珊瑚鑒賞真清河氏亦有心人鈔來秘冊珊瑚網

耳目連朝總一新

朱存理著鐵網珊瑚張丑著清河書畫舫汪珂玉著珊瑚網

微鷹韓馬戴嵩牛學語小兒也妄收誰知別有句龍夾  
已向公麟踞上頭

平生不識洪谷子餘子丹青各有長却訝華亭真放膽  
竟從酒肆貶長康

董文敏云余從檇李項氏見  
顧長康畫直酒肆中物耳

坡仙十指縣槌後怪石枯槎爾許奇涪翁句子君知不  
海內文章非畫師

二米落筆天機到元暉得意圖雲山

元暉有雲山得意卷

畫本何

處任撫取金焦煙雨空濛間

中丞撰述寄吳門

卡中丞永譽著書畫考

書畫源流費討論今日

快披消夏錄一時雅尚又江村

高詹士奇

南宗老筆一峰孤貌得虞山氣韻殊屏幛邇來撫倣徧

何曾夢見富春圖

子久有富春山圖

梅沙彌得巨公傳竹石蕭疎也可憐偶吟一片江南雨  
清絕襄陽孟浩然

梅道人自題畫竹云涼風起研池葉落秋可數京華客夢醒一片江南雨

黃鶴山樵吾最許風流不愧鷗波甥青弁一圖文敏拜

董華誰其繼者虞山生

王翬

倪畫有無分雅俗江南好事重雲林獅子林圖最烜赫

樞本猶抵雙南金

查士標臨本最佳

國初以來推具眼櫟下

周公亮

禾中溶

曹公

兩侍郎鵲華秋

色看題識更為未中一辨香

曹跋松雪卷云畫似韌川國書似黃庭經此卷實傳

書畫

衣鉢

崑原雪累特雄奇筆底全將造化窺韓碑杜句取相况

解道文人即畫師

青門邵長蘅曰余曾見范寬雪圖博大雄奇營之詩文則杜之北征韓之

淮西碑也宋鄧公壽畫繼云畫者文之極也其為人也多文雖有不曉畫者寡矣其為人也無文雖有曉畫者

寡

矣

畫手吳中舊擅場衡山大雅石田蒼解元真跡今寥落  
片紙猶生琬琰光

辛苦仇生學大李畫時鼓吹不聞喧

見董文敏畫旨

怪他小冊

臨摹好風致超超又宋元

一對珍圖一洗心箇中大是少知音偶拈舊話成新句

風雨空窓細細吟

一貴官語余曰骨董中鏡與劍差足取以有用也最無用者惟畫乎余笑

曰公好官請以官喻凡抱關擊柝各有所司所謂有用也若宰相無專職而百官之職皆其職如公言則宰相

最無用矣世間衣服飲食宮室皆用之適吾身獨畫用之適吾心當塵埃勞勞中忽展名畫便如置身長林巨壑心為一洗或對古名賢高士則肅然起敬畫雖一藝其用最大願公勿輕議也

華亭天授非人力六法何妨有未工多少畫家三昧語留題斷紙故麻中

不薄今人愛古人眼前誰涉宋元津畫中九友王翬在

吳祭酒偉業有  
畫中九友歌

白首多年奉

紫宸

近世畫家專尚南宗而置華原營丘洪谷河陽諸大

家是特樂其秀潤憚其雄奇余未敢以為定論也不  
思史中遷固文中韓柳詩中甫愈

子美河南鞏縣人也

近日之

空同大復不皆北宗乎中丞論畫最推北宋數大家

真得祭川先河之義足破聾瞽予深服之其詩之工

又無論已士禎評

孫紹遠輯聲畫集分題畫觀畫門而無論畫之作竊  
謂杜子美鄭公粉繪曹霸丹青一絕即論畫之倡矣  
商丘中丞於簿書堆案之日作論畫絕句詩纔二十

六首而古今畫家雅俗工拙高下之殊流派之別盡括其要中丞鑒賞妙天下暗中摩挲纏楮能別偽真余嘗叩其故中丞笑而不言今論畫詩出未免以金鍼度人矣曩尊跋

以詩論詩濫觴於少陵六絕句金源元遺山廣之為論詩三十首頗傳於世明人轉相摹倣作者愈多畫苑一途自唐至今有題畫而無論畫漫堂先生倡為論畫絕句如千首理矜創獲致標新雋譬之達摩西

來獨開禪宗矣那得不傳詩格疎老故自得浣花神  
韻在遺山上也詩成命衡點次因題其後長衡跋

乙亥元日雪同子湘山書試手為長句

去歲春雨兆有年長句曾寫述鹿軒今年元日更快意  
開門大雪來漫天五更的皲晃冠佩向曉飄瞥迷市塵  
朝正已罷掩戩戶平鋪曲徑添靜便登樓一望飛鳥絕  
穹窿寧岸何處邊方塘波溢石欲沒小梅溼重香微傳  
打麥穫稻事可必田租之半況已蠲青門客園兩詩老

競呵凍筆吟聳肩吾山香海待臨眺歐公白戰聊周旋  
詩成呼酒澆利市我醉欲枕印籠眠黃昏檐溜滴不止  
風吹街鼓聲闌闐

附前題同賦

邵長衡

王正元日斗挿寅夜半跌蕩開天門真官羣帝朝正  
散驂龍焱歛周八垠太皞執規挾玄冥呵噓勝六供  
駿奔下視人世桑田萬萬頃要裁玉禾成瓊田天明  
啓扉日花眩園林琪樹紛便娟池塘冰開已綠淨鵝

毛片片銷無痕沿池拳足立雙鶴縞翅映色增鮮妍  
田夫三白笑嚇嚇傳聞吉語占豐年元公祝釐歸未  
旰牙門扃鑰屏竇喧歐蘇白戰郤寸鐵聚星堂客繼  
者難公詩先成得好句小梅溼重香微傳即先从以生句以  
鮫珠一百五迸圓顆顆光照盤亟傾鑿落澆凍筆羊  
角燈射晶光寒印瓶赤泥壓重碧釘餌海物兼鹹酸  
我老僵強怯大敵降旛欲豎仍逡巡開春風日晴即  
佳梅花爛漫不隔旬荼山吾山千萬樹待公褰帷來

行春此時從公勇當賈綢餉玉雪酬冰魂

黃山松石歌寄金仁叔將軍兼索子湘和

黃山松石天下無好事往往繪作圖千巖萬樹不到眼  
刻意摹寫徒區區其城將軍胸次別達道移取來崎嶇  
石一拳耳儼千仞松不滿尺盤兩株盛以巨盞置鈴閣  
珍比七尺紅珊瑚今年移鎮向閩海臨行輶贈及老夫  
鴨臂船載入廡舍賓客咋舌兒童呼吟窩得此良不俗  
大笑今我官宣廳南榮相對坐竟日看山讀畫同歡娛

石也以松為毛髮松亦以石為肌膚芙蓉一片忽墮地  
陵巒宛轉秀色殊擾龍雙幹雙塵尾干霄之勢當前俱  
晉卿倘見定豪奪紫桑或撫還驚吁叢桂疎梅助清致  
何煩命駕窮天都將軍雅意應有報幾廻欲賦還踟蹰  
今晨鼓興了此債屬和火急催鬱蘇

附前題奉和

邵長蘅

我吟李白黃山詩四千仞削金芙蓉傳聞軒轅煉丹  
處青鸞朱砂拱天都山中靈異孰究悉松奇石怪可

誠呼擾龍松撐峰頂裂作其鱗而旁攫掣蒲團倒挂  
皆松幻奇古高二尺幹千歲餘滿山龍子以萬數盡  
吸石髓蟠根株石骨磊砢作松幹松毛鬚髮作石鬚  
輪囷碨礧闢詭狀爪鬚定與凡松殊草城將軍好事  
者鐫鑿山骨雙松俱奪娥夜半負而走洗剔貯之玉  
盃孟獨吟狹嘯悶不得短後健兒尺一書餉商丘公  
激珍賞選寘吟窩東南隅一拳石松一尺耳三十六  
峰蒼翠移於斯叶公來巡檐日百市寵以篇什鏘

琚少見多怪得未曾賓從獻疑紛詫吁或云軒轅當  
年鑄丹鼎丹成遺此一片雲碧腴或云猿公擲劒刺  
石罅化作青蛇抉尾鎚蠶須商丘公自笑咍爾拍容  
成肩呼浮丘叶兩老禿翁汝知不松即擾龍峰天都  
漆園小生齊物何足道獨不見芥孔納得須彌無

和子湘春雪後夜坐效韋左司

梅花半將開媚比雪後月空庭耐春寒坐到昏鐘歇池  
光明檐楹鶴唳激林樾幽人默相對詩思清到骨

附原唱

邵長衡

池上明殘雪  
檐端得新月  
寒釭閃踈櫺  
街鼓坐來歇  
凍竹響稍稍饑  
鶴唳散歌功烏沒  
新節攬鄉思  
山牕蛩

梅發

正月十四日雪中登瑞光寺浮圖

青帝作意驅滕六  
大雪江南壓倒屋  
自從元日到今日  
不見昏星與朝旭  
人言南雪不到地  
異事爭說今年獨  
閉門兀坐殊無憀  
如鶴翦翎驥維足  
茲辰冒雪鄰寺遊

不怕泥深沒雙轂到門鳴腳帶鴉楓輪囷離奇結寒玉  
厭聞殿閣鬧鐘魚直上浮圖散心曲欄敲磴滑幾登頓

扶持左右資童僕侍行諸幼氣食牛

謂兜筠孫

笑我老

翁何跼促當檐四顧雲盪胸七堰八門辨隈隩亂山晶  
瑩朔氣凝萬井蕭槭炊煙蠹胥江瀰瀰吹東風鱗次征  
颯靜相逐懷古擬算滄浪亭開宴未踰香山躅下從別  
院訪梅花真訝佳人在空谷黃昏雪急耐荒寒還走後  
園看凍竹狂夫自笑老更狂有胸不貯塵十斛言歸路

出吳趨坊萬點華燈燦奪目

廬州張見陽太守以倪高士秋亭嘉樹圖見貽即用畫上韻走筆答之

秋亭嘉樹氣蒼涼小幅摩杪向霽牕新寄雲煙勞太守  
舊分雅俗說吳邦江南以有無  
倪畫分雅俗歌詩讀畫堪終日望遠  
臨風悵隔江珍重篋中撫本在蕭疎半韻也無雙見陽  
曾以

撫本  
贈余

題袁中江小照兼送入長安

袁生江湖客氣吞江與湖好詩更好劒七尺昂藏軀誰  
將片赫蹏貌出鬚鬚鬢長嘯竹林下捧劒隨童奴似此  
熊豹姿寧終老菰蘆春風吹遊屐又欲入

帝都故人有延譽馬周當齊驅莫漫斫地歌但醉妖姬

贛

春日同葉公霖遊支硎華山五首

溪漲橋難越輕舠野岸停晴光迎瘦策曲徑入支硎馬  
蹟侵苔碧支公遺蹟僧廬蔭竹青一翁年八十長嘯振巖局

謂公

霖

無復寒山主荒涼小宛居留雲空閣在卧砌老梅踈古墓人誰到飛泉雪自如清詩傳祭酒吟罷一歎歎

吳梅村先

生有題趙凡  
夫丙舍詩

春半法螺菴梅花蕊尚含幹盤驚戶牖香冷雜煙嵐看

竹憐幽夢

一僧題壁有竹深僧夢綠句

登樓作小參幾多飛動意還

向翠微探

石隙泉流迸松陰磬響傳峰圍深殿肅花覆斷牆妍初

地留

天藻寺有御製詩空山闕沿蓮所嗟三十載法席幾回遷初

遊華山時藥菴主席繼之者為僧鑑今亦化去

石佛巖邊坐千峰落照間未能邀月上聊此放歌還羈  
旅又新歲煙波空舊灣一燈官閣下覓句似僧閒

婦翁葉司馬公桂建為文文肅榜進士公從子公霖

偶來吳門於華山精舍遇一僧自言文肅族子也  
公霖坐間因談文肅經筵進講春秋及爰立時奏

罷鎮守中官二事余慨然為賦二首

一老閒身一老僧空山解后揖紅藤通門子弟前朝話

共對梅花涕滿膺

文肅登朝有古風春秋大義講筵中觀軍容罷公閒住  
信史還徵八十翁

虎丘看玉蘭二首

名花傳虎阜輪囷不知年爛漫春風裏憑陵玉樹前香  
能尋小閣雪欲棹遙天共道今番盛沿溪簇畫船

花光滿幽谷苔色映高牆細雨一來灑空山不斷香佳

人曾對舞

用楊太  
真事

初地任持觴七字天隨句風流獨擅

場

久雨忽晴喜子湘心壁道人同日至援筆賦此

一春積雨徑生苔池館今晨霽色開高士青門行藥至  
道人廬阜打包來禪牀吟筆須料理蟹舍漁莊好溯源  
莫問政成鐺腳否

唐河北三郡相鄰皆有善政號鐺腳刺史

山桃花下且銜

杯

自題八年前小照送閑先寺方丈二首

看雲坐石西坡叟雙鬢依然歲月更今日披圖堪一笑  
圖中為弟我為兄

鶴鳴峰下摩苔碣漱玉亭中聽瀑泉世出世間緣有在  
且將小照寄開先

題尤悔菴萬峰探梅圖二首

昂藏海鶴鬪精神長嘯空山作好春真才子與老名士  
又署新銜梅道人

八十老翁一壺酒  
梅花萬樹興飛揚  
香山句子取相贈  
從此無多二十場

題述鹿軒詩二絕句

王士禎

七十二峰充下陳  
漁洋一點具區濱  
胸吞雲夢君何有  
有郤對漁洋憶故人

燕寢凝香畫戟枝  
放衙花底鶴相隨  
羨君五字風流

甚實有文章替左司

白樂天詩敢有  
文章替左司

西陂類稿卷十三

欽定四庫全書

西坡類稿卷十四

吏部尚書宋犖撰

滄浪亭詩

滄浪亭

滄浪之水清且漣  
亭子結向滄浪邊  
滄浪之亭幾興廢  
蘇州南國最幽曠  
池館創自武肅年  
厥後踵事非一姓  
轉眼變滅隨雲烟  
湖州長史昔貶謫

愛此卜築將終焉輕舟野服恣嘯傲援琴命酒樂靜便  
長史作記歐公賦金鐘大鏞聲相宣斯亭遂與人不朽  
買得只用四萬錢曰余嚮往自弱歲今宦於此嗟華顛  
手捉孤篁徧探歷荒岡突兀臨長川方花古礎纏蔓草  
幾株喬木仍叅天都官園空接斷壠蘄王廟在餘數椽  
老夫顧此願修復勝事肯令他人專伐石作亭懸舊額

衛山書

爰飾祠宇肅豆籩蘄王英魂定來此會與長史相  
周旋觀魚處敞儼對鏡自勝軒小疑乘船隔城山色落

衣袂步磈礧首聊遲延迴廊略約紛點綴管領風月凌  
平泉山僧野老共登眺央央旆旋却勿前官熱心冷每  
自笑山林痼疾良難渝左司文章久避席白傅遊宴或  
比肩綿津滄浪忽對舉西堂尤悔  
卷意厚語則偏吳人好事更好我任教畫作屏風傳

臘月十六夜虎丘看月四絕句

放衙忽憶虎丘月來到空山月可中一段新聞任傳說  
愛閒無過使君公

鐘磬不聞僧閉關池光樹影共蕭閒掃盡笙歌與羅綺  
而今真識虎丘山

千人石上一杯酒望古情深獨慨然滄浪亭子結纏就  
又欲搜尋到五賢

剔蘚辨出題名字敲門買得水仙花歸來與兒作詩話  
直到嚴城鼓四搘

早春送顧俠君應試入都兼寄阮亭侍郎慕廬閣

學二首

爾去賦長楊年纔二十彊聲名動京國特達自圭璋江  
雨征飄溼梅花祖席香老夫惆悵處未與泛滄浪

時滄浪亭

初成

正值芳春候長歌向國門元詩攜在篋

俠君有元詩選

易酒快

盈樽遊屐碧雲寺鄉心紅杏村故人樂弘獎遙想過高  
軒

望九龍山積雪弔王孟端

每過九龍山竟日得怡悅况茲清景殊晴峰戴殘雪積

素嵌翠微圖畫造物設維舟獨延佇時時叫竒絕舍人  
烟霞胸雲巢舊曾結妙筆黃王間得力此巖穴遺蹤欲  
相訪好待芳菲節

妙高臺拜東坡佛印銅像

誰鑄二銅像曰東坡佛印相對儼問答氣宇一何俊坡  
翁長不死東坡詩云請學長不死望竝雲峰峻高興留玉帶永作

山門鎮印公霹靂舌觸處機鋒迅與髯相周旋其人已  
千仞我來妙高臺天畔策一振肅然仰二公再拜瓣香

進捫辟讀劄子

辟勒東  
坡小札

江風吹短鬢黃昏月東升鐘鼓

蛟宮震

丙子正月丁卯日過丁卯橋

我讀丁卯集輒思丁卯橋佳話偶然耳流傳年代遙訪  
古潤城南曲港通江潮夾岸幾家住烟火晨蕭條石梁  
跨其上來往惟漁樵欹欄與壞柱風物仍前朝吟魂不  
可接綠水空迢迢醉爾一杯酒為爾賦大招是日又丁  
卯一笑羈愁消登舟對新月掉頭起長謠

舟夜風雨聞吳歌二絕句

望亭南下水迢迢孤舟風雨寒飄蕭攬人一夜不成寐  
時有吳歌入耳遙

十三女兒離鶯聲宛宛轉轉清復清楓橋燈火半明滅  
羈人此際難為情

登華山絕頂望太湖歌

十年六作華山遊未暇一蹋華山巔石佛巖邊小探討  
便同棲翼尋歸船今日風日大晴好遊興勃發勇無前

招提纔到不住脚。揩笏負笠凌蒼烟。寺東曲徑稍可辨。

僧徒導我相夤緣。磽脣延佇跋野鹿嶺脊。騰上追飛鳶。

松風送我到絕頂。境忽尼坦堪受。虛乾坤之勢。盡在望。

北固題句知良然

北固山有乾坤勢盡來題句三萬六千頃震澤濤

山浪屋當空。旋七十二峰互掩映。晴雲破碎爭綿聯。蜺

旌芝蓋紛來下。毛公聖姑如覩焉。俯視天池翳榛莽。晶

瑩一勺餘寒泉。崑山虞山兩螺耳。岑崿拾取湏米顛道

人謂自求上人繼至把杖揖。相與長嘯驚高天。峰西巨石半

僵立攢成蓮瓣磨星躔  
蹙踏犇峭氣屢鼓攀附藤葛手  
欲躋漸下蓮華厯蓮子碨礧幾簇蒼苔纏  
聞古尊宿曾住此吾擬結茅食且眠九年面壁或有待一官嚼蠟何  
難捐入寺飯罷日垂沒靈臺催客聲磬磬登舟覓句却  
鼓吹燈下獨聳彌明肩

題心辟師萬里一歸人卷

父母恩難報經云右肩負父左負母是知方袍禿頂身  
未便二人等敝帚邇來靈巖繼老人禪室定省意獨厚

心師繼公之猶子家本滇池住廬阜經營開先自打柴  
夢寐庭闈每頹首今秋瓢笠去飄然萬里歸人為親壽  
繙侶贈詩山人圖羅牛筆飯茲事流傳堪不朽寄來卷軸到  
吳江展閱數過卯及酉堂上有佛師徑尋卷尾無句余  
良悵南陔白華亡其辭欲賦踟蹰難下手點蒼洱海渺  
南天想見扶筇此中走

附和前韻

長洲尤侗悔菴

我佛說盂蘭盆大目犍連為尋母云何末劫喬崛

羅剖折骨肉掃如帚廬山道人出世間眷戀庭闈意  
偏厚遙望點蒼多白雲拄杖飄然去香阜千佛名經  
總不持獨寫維摩詩一首蓮華煮飯甘露漿萬里扶  
攜為親壽始知四大等虛空惟有孝思堪不朽他日  
歸期定浹辰此月行程方指酉回看大眾滿伽藍無  
地報恩真忸忸綿津山人善護法新詩彈丸纔脫手  
泥牛解吼木馬嘶我亦願隨牛馬走

題高謾園太常山水小幅

太常丰格儼神仙翰墨場中老鄭虔流傳片紙雲烟在  
感舊題詩一惘然

春日雨中同靳熊封兒至過滄浪亭二首

客有來南國亭因問北磥三人同策杖一雨恰霑衣溪水春全漲梅花溼不飛觀魚高韻在臨眺獨依依尚有蘄王廟難尋梅氏園迴廊聊聽雨小院一開尊繡嶺生遙慨熊封來自秦中  
述驪山甚悉滄浪且避喧胡為君又去愁

思滿川原

附步前韻

至

客問滄浪勝相將過北磈林光初度雨水氣欲侵衣  
失却青山色翛然白鷺飛最憐新插柳春淺早依依  
步向亭南望人傳梅氏園風流總銷歇覽眺自琴尊  
野寺昏鐘發清溪急雨喧願言停短櫂花事訪郊原

春晚過滄浪亭四絕句

遊魚雨後撒波聲宛轉溪橋拄杖行一段斜陽明野岸  
菜花時節正宜晴

荒岡野水無人境亭外間花次第開却笑吳儂真好事  
送春都向此中來

逶迤石磴坐清陰數罷魚兒聽鳥吟五年白首姑蘇客  
一樣輕舟野服心

虎丘歌板中秋夜元墓梅花驚蟄時不似此亭多古意  
到來先辦一篇詩

初冬過滄浪亭寄尤悔菴

滄浪亭畔刈稻了倚杖看山又此迴野水鴈飛荷葉爛

故鄉花送牡丹來經營是處宦情別歌板古人生面開  
時有滄浪亭傳奇寄語西堂八十叟石欄點筆待追陪

遙題江陰顧山寺茶花三斷句

野寺山茶信一奇春風遲日動遐思幹蔽七樓紅十里

傳聞如此招提端合喚花之青州有花之寺見周櫟園侍郎集

老幹彫枯已百年孫枝合抱復嫣然笑他拙政園中樹

浪得梅村賦一篇

吳梅村祭酒拙政園山茶歌

虎丘玉蘭不一賞滄浪桃花也久詩山茶句子山僧乞

恰值新年發興時

附和前韻

高郵

李必恒

百藥

顧山山寺寺清幽都勝花開照眼稠不是祇園清淨

地定應署作小紅樓

花色深者  
名都勝

八寶珠光耀蚌胎鄂君繡被擁成堆忽然十里無顏  
色袖裏中丞錦字來

題吳闡思畫四首

空山喧瀑布老樹隱柴門一徑青苔色幽人不出村

溪水自淙潺溪堂永日閒莊騷讀未了林際暮鴉還  
山人寫夏山尺幅烟嵐起遠追鶴山樵近竝石谷子  
波影遙空接雲光疊嶂含岡頭有茅屋知是米家菴

海嶽

詠日本山茶二首

淺紅朵朵小盤盂顏色翻憐遇寶珠欲把鵝溪圖異種  
徐熙手筆此時無

海舶春風初到時空簾微雨挹芳姿從來邢尹多相妒

也

吩咐牡丹開小遲

雨後由滄浪亭過南禪寺慨然有作

寺為白樂天舊遊地曾貯

文集寺中  
刻碑紀事

鳩鳴宿雨收日出輕烟泮寓公不暇嬾踏屐滄浪畔沿  
波沙鳥明侵橋菜花亂遠岫列空亭濃翠撲人面境幽  
環矚佳彷彿菜萸汎偶謝纓佩羈頓使腰脚便訪古過  
南禪逕曲苔紋徧老屋但鐘魚危樓尚霄漢鉢插零落  
桃龕舞呢喃燕徃者香山翁招攜此遊宴風流不可及

玉局舊曾歎忽忽數百年不異卯酉換藏書委蔓草勝事逐激電惟餘千个竹清陰滿別院繫余景前修坐迨昏鴉返叶生平鹵莽性擬就初地繕栴檀熟惱除餧粥殘僧伴還同老居士刻碑記發願

遊黃山

新安黃山不得遊姑蘇黃山聊一訪開門鼓罷命輕舠漱澗橫塘水新漲夾岸菜花黃到天拔地雲峰碧如障老夫癖好過康樂繫纜攀藤覺神王伐石野翁連袂迎

牧牛小兒折花餉稚松巨石相參錯鳥道紆迴頻倚杖  
寶坊址在費追尋貴主墳空足悲愴山中舊有法雲寺及陳國長公主墓無  
今俱有僧導我虎洞憩意頗懸懃語全妄顧茲巖壑了

無奇却有湖山得彌望洞庭波白衆山青應接不暇旅  
懷暢相看伯仲是橫山峯萼一卷敢相抗歸舟摹寫掉  
頭吟自笑今朝脫官樣

春日過訪葉星期二弃草堂不值二首

柴門寂歷豆花香豆蠶一曲清池對草堂常日觀魚人似

鵠也應喚作小滄浪

余署中有  
小滄浪

別浦幽幽境愈奇春風籃舉爾何之小山叢桂清陰下

想見蒼茫獨立時

書室題蒼  
茫獨立處

韋菴間興示百藥兼寄子湘

聽罷旗門鼓二撾深沈庭院靜無譁鞞紋碧石沼飛新燕  
亞字朱欄護好花老興自憐追白傅驚才近喜得劉叉

韋菴聯句湏鬚急悵望蓉湖日又斜

子湘家  
芙蓉湖

題李工部竹村小照四首

窈窕溪山到眼清蕭疎無復世間情阿誰踞石披襟坐  
盡日松聲與澗聲

不事瞿曇不學儂臨流把卷意翛然溪雲過樹溪鳥寂  
坐讀南華秋水篇

貧簮萬个蔭清淪冷豔秋花幾簇新解道忘機同海岸  
飛來鷓鴣也依人

屏除騁從愛菰蘆風度何人貌得殊旦晚頭銜知又換  
合將泉石讓狂夫

香嚴寺看菜花留贈紺池上人二首

為赴山僧約南村看菜花黃雲晴野布綠樹道場遙入

院惟聞磬隨緣且喫茶西堂誰貌取鶴骨聳烟霞守有

卷小照

開軒仍在野讀畫却通禪

時攜畫  
卷共玩

偃仰香如此林丘靜

渺然竹鷄喧暝色江月破春烟詠罷淹歸騎從師促和

篇

池上作次樂天韻

韋菴之南竹森森深淨軒東波沈沈小滄浪只一勺耳  
此閒跌蕩江湖心午衙放罷必周覽夜案了却或靜臨  
洞庭三萬六千頃雲濤那用扁舟尋怪石欹柳得位置  
階庭寥廓橫古今鬪茶遠道致日鑄翫畫小幅縣雲林  
棲遲已過五寒食手裁桐桂清陰深緯蕭目斷鴻河渚  
飯僧心切嵩山岑撥悶聊和池上作悠然手弄無絃琴  
樂天是處有真樂何須海岸方投簪

高江村詹事以龍井茶見餉賦此答謝

江南春半茶事動老夫幽夢挂碧巖虎丘舊種鑊已盡  
陽羨佳品心所快小峴春作梅花片六安茶名小峴春近製梅花片最佳

年來羅致余能兼穀雨已過山塢曉焙香幾處吹茅檐  
江村詹事抱茶癖龍井手製馳郵籤銀絲冰芽竝珍重  
白甌青箬勞封緘山瓢急取酌惠水折脚石鼎安風簾  
松濤響罷注縹蓋清芬拂拂浮晴嵐笑他七椀真水厄  
小啜已令俗韻破緬茲嘉木出勝地辨才玉局曾遙探  
性芳味永正可錄中郎何事相譏謔袁宏道評龍井茶作草氣包裹

那許鑽權偉唐突未敢加薑鹽滄浪一杯澆子美酬和  
七字促邵髯湘子從此漫堂開湯社舌本不强容高談

附和前韻

邵長蘅

古人品茶例蒸碾團龍喬雲誇芳甘縷金屑餅失本  
性有如玉環脂粉嫌今人品茶重烘焙揀芽抽葉勞  
摻摻土銼松薪夜火活三更烟白月挂檐焙成青筠  
旋包裹韻香色味百不嫌滄浪寓公先生自號今詞伯琢  
詩戰茗嗜頗兼慕盤北苑小峴春品題甲乙排標籤

我來偶值穀雨過櫻桃映盃燕入簾邀我啜茗坐石上渴羌鼓鼉驚胡貪公言此茗出龍井石乳雲液叢幽蟲論文舊遊得高適武林遠寄分細匝呼酪蒼頭不肯受禿管城子聊戲拈公詩堅壘提一律草木臭味供鑄劙野夫欲和愁險韻霜鬚斷莖口銜箱且放退之教獨步何如玉川六椀七椀餘黑甜

和前韻

必恒

龍井之泉出天目一泓石罅流纖纖禪老辨才劇風

雅汲泉湖上供子瞻何年產茗入包貢名與顧渚誇  
東南江村先生好事者先春采擷窮林蟲揀製揉焙  
出新意雀兒鬪語開萌尖鍼芒微粗麥顆小一兩直  
可抵一簾商丘公雅同臭味遠道裏致題紅籤是時  
愁霖罨春曉公憂無麥心如惔開械破悶忽色喜石  
鼎活火吹風檐惠山水遞况新到烹魚恰得熊蹯蕪  
湏臾浮碧官字盞色香味勝清而甘餘瀝分霑及賓  
從未到口覺華池甜一椀兩椀金興發青門逸叟來

掀髯龍拈新句霏玉屑我詩蹇澀空詰謗忽憶武林  
巖壑天下勝對此佳味心彌耽布韞青鞚他日到酌  
泉煮茗尋僧龕

和前韻

高士奇

雨中石花長雲竇春半明月生松巖

國史補石花  
明月皆茶名

浮

氳不入將軍腹潔色長得詩人快吳中開府季卿匹

清事每許常陸兼

語林常伯熊因陸羽著茶論李季卿宣慰江南名伯熊又有薦羽者

之義興秋片六安蕊開籠老翠浮晴檣西湖佳種

兼名

數龍井火前鴉觜如排籤野夫摘香手自焙翦絹穿

篾親包緘青猿急遣致鈴閣花陰晝靜蝦鬚簾石铫

火活湯鼓浪竹廊風定烟凝巔非獨雪煩且破睡嘔

酸滯冷何勞砭

東坡詩草茶無賴空有名性滯偏工嘔酸冷

座間嘉客我

未與案頭險韻公先探解人自謂獨知味君子由來

不信讒

中丞詩云中郎何事相譏讒東坡詩草茶無賴空有名性滯偏工嘔酸冷

品題堪破毀

茶論音節如歌疎勒鹽何時紫甌得共坐紅蓮幕下

攜蒼髯

謂子

各搜文字五千卷

玉川詩云

三椀搜枯腸惟有文字五千卷

滄浪亭際資清談

步前韻

至

經旬病酒苦肺熱頗思啜茗當山巖日鑄半甌聊止渴隔年香味惜不兼昨者蠻牋來吳會字帶龍井之烟嵐曰高江村饒茶癖筠籠小摘周林蟲雨前雨後分甲乙旗槍烘焙矜親拈長於雀舌細於粒霏霏玉屑何尖纖筍綳包來快持贈爰博酬倡詩篇三盤空硬句得未有風韻與舛還相參遠道莫能惠煎渝屬

和箭急催中男遙憶芳鮮餽春暮牡丹花正開韋菴  
一吟一臭總清絕舉頭明月凝湘簾佳品固應供佳  
客左攜短李右邵髯梁溪水遞不少缺膩白如乳盈  
瓶瓢蟹眼纔過松濤起瓦爐活火湏頻添六安梅片  
豈姊姒敬亭綠雪同封緘却笑古人非知味或春或  
碾勞窮檐龍團鳳餅失本性況復猥瑣加薑鹽我昔  
狹鞶踏靈隱咫尺龍井未獲探坡老辨才化已久誰  
識此種清而甘讀詩疑茶霑齒頰今宵幽夢繁江南

題王勤中柳塘聚禽圖

疎柳殘荷弄細颶  
野塘斜日聚禽時  
等閒寫出無人態  
都是王維畫裏詩

戊寅七月一日夢入山亭看竹旁一人曰此堯峰  
老人故居也愴然有作醒而僅記末句因足成之  
堯峰遺老不可見夢入空山舊草亭風梢月影無人蹟  
勝有秋陰一片青

黃海山花圖詠二十首

有序

楚州雪莊悟公住黃山之皮蓬性孤高有花癖尤  
擅繪事時時含丹吮粉於幽厓邃壑中貌人間未  
見花久之成帙新安吳生綺園箋其名寄余平江  
官舍戊寅七夕攜過滄浪亭流覽一再過各即其  
名狀而疏之竝繫以詩用補山志之未備其中數  
種不可名亦不能詩姑闕之

金縷梅 似蠟梅而瓣如縷春日開時翩翩欲

舞

春林發異香縷縷雕黃玉已將寫作圖還擬製為曲

撚蠟亦似蠟梅一包四五朵其開也以春杪

丰格儼蠟梅一苞四五葩月明林下時幽香應倍加

旌節花老藤上作花行行垂如旌節色淺碧

黎州漢源縣亦有之

老藤作碧花鬢鬢如旌節歲歲春風時長聽花神挈

春桂似桂而五出三月開

連蟠淮南叢山磬應弟畜惟有七里香高韻同空谷

山  
卷十四

亦名春桂七里  
香江右最多

海罽花 生雲海春日徧厓谷紅色深淺相錯  
至鋪海時爛然雲錦矣彷彿睡香而差大

海罽奪蜀錦爛漫雲海張大似廬山谷春深放睡香

瓔珞花 色黃碧幽倩澹冶清香雋永有垂柳

之態

瓔珞何澹冶香在衆花右憐渠窈窕姿還過永豐柳

黃桃 與桃無異但花跌先實耳

蕡桃跌先實折來自樵叟借問武陵人舊曾見此不

山櫻 木本竹葉初夏作花實如含桃

朱顆類含桃瑣瑣摘盈把趙昌化工筆好竝青梅寫

趙昌

有青梅  
舍桃圖

紫雲花 花深紫日光下燭晶然凝望

紫雲花即雲光彩不可狀想見白頭僧舍毫向千嶂

木蓮花 在慈光寺前高柯成圍蜜葉蔽日冬

不彫花肖白芙蓉惟房菂不類四五月開香聞

數里山中無二本

木蓮千載花香光照禪席記取謫仙詩五月雪中白

玉鈴花 樹高大龍蔥夏月碧陰中白花串串  
有類雕刻香甚

長夏碧陰中白花綴串串分明追琢成縹緲沈水薦

香杜鵑 杜鵑處處有之此則高幹濃香迥異

凡種

高幹盤雲上濃香浮谷來問他殷七七頃刻可能開

石蘭 一莖一葉一花色紫生峭壁上

石蘭種大奇莖葉花皆一形穎賦左思其為此物必

查菊花 木有芒刺四月開小黃花如丁香其  
結實也如丹砂

查蘭丁香同實則丹砂似煌煌北征篇摩寫曾到此

覆杯花 摻生葉底空中下垂似鏤竹髹朱而

成

覆杯花空中垂葉底積鏤竹而髹朱天公劇遊戲

仙都花 生仙都峰下古幹屈曲花一苞七八  
朵望之如芙蓉而特香綠心如拳三年一放放  
則葉下披如相讓然

色借秋江遠林開仙境深老猿偏愛此三歲一來吟

傲雲花 形色似木蓮自夏徂秋香不斷葉亦  
微馨悟公雲舫四圍皆此樹

雲舫周遭樹依稀菡萏香暢師相對處晴雪落繩牀

鵝羣花 藤屬葉似荔蔣秋日著花宛然鵝也

山花多奇狀尤奇此鵝羣誰向清秋日折遺王右軍

疊雪花 花如翦雪中含一壺盧九月開

霏霏疊雪花中有一壺韞巧疑勝六裁幻許長房隱

紫綺玉環 草花也頗肖二物

草花殊狡獪刻畫閨幃間既吐一片綺復配一雙環

西陂類稿卷十四

欽定四庫全書

西陂類稿卷十五

吏部尚書宋犖撰

迎

鑒集

康熙己卯三月十有六日恭紀

聖思詩倣柏梁體

皇帝聖德巍陶唐三十八載大化翔邊徼寧謐樂時康

曰厔咨警維河防周巡淮甸區畫詳無勞璧馬沈宣房  
省方勵俗來吳閭賜租肆赦減澤滂廣搜巖穴寬征商  
湖山增勝衢歌揚臣肇承乏職封疆瞻覲蹈舞屬車旁

拜賜

御書恩浩洋仁惠誠民顧臣堂懷抱清朗寢殊常臨米  
芾書繚綾光天馬賦卷五大強謙德末署倣其昌墨搨  
淵鑒龍劑香淳化閣帖難韻頑耕織圖冊勤農桑豳風  
七月將無同叶載拜箋書聞鴈章驪珠的樂驚奉將解

推寵渥方未央紫貂狐白分

御裳東珠之帽光熒煌黑皮之鞚出玉牀鹿脯雞腊珍  
上方駢放羅列醜與羊是時觀者如堵牆盛事傳播到  
八荒史臣紀載久愈彰消埃何以答

聖皇中心屏營臨淵冰叶末路刻勵詐敢忘拯救災患  
除莠稂稍酬高厚歸故鄉白鷗浩蕩浮滄浪

附前題

邵長衡

皇帝三十有八載乘春出震巡南陲河濱衍溢齧淮

泗自臨捷石極阻饑遂浮大江下吳會駕六蒼虯  
華芝吳有賢撫臣曰某地大物姦誠難治

帝曰汝某予汝嘉仁惠誠民有褒辭

御書四字字徑尺榮光休彩天昭回淵鑒齋帖放一

束

宸章駢羅尤瓊奇五緯垂芒峙五岳

賜書共五種

龍騰天

門鳳翹岐耕織繪圖詎游戲邠風無逸厪民依傳  
詔又賜袍與帽帽珠煥黃光輝輝袍織蟠龍龍五爪

貴從

聖躬親解衣鹿脯麋尾分玉饌上尊黃封苞縹瓷奉  
擎稠疊恩數渥跪拜九叩

天顏怡是日百僚盡陪位虞廷肅穆班臯夔  
帝念臣廉賜予渥烺烺

天語臣聞之從官橐筆書諸冊得賢臣頌千秋垂鰣  
生幕下偶欣覩典盛得不傳歌詩如公十輩布中外

宣

上德意普澤施賜租復絲歲屢穰

帝垂衣裳萬福來中和樂職應有賦王褒筆札生能

為

三月十九日

上駐蹕吳門

命臣犖恭進詩集並蒙

天語垂問臣子至紀

恩二首

性耽嘯咏自髫年寒食春城句浪傳今日蒙

恩宣索去好將

御覽署殘編

準敕偏教進惡詩生平遭際算來奇麤傳家學田間子

又向雲霄荷

主知

李肇國史補曰唐淮南進崔叔清詩百篇德宗曰此惡詩何用進時謂準敕惡詩

鶯脰湖二絕句

垂虹亭畔峭驅開鶯脰湖中激箭來我是滄浪濯纓客

寄聲鷗鳥莫相猜

孤舟落日漾波心湖樹湖煙四望深空際一聲聞欸乃  
釣徒何處許追尋

扈

蹕西湖紀事

平生慕西湖聞說便神王吳越咫尺耳七載勞悵望何

意奉

宸遊夙懷得一暢朝出湧金門耳目忽清曠水滌葡萄

陪山蟲翡翠障白蘋勾留處西子譬允當追隨豹尾間  
未敢策筇杖

聖情厯民依物外聊探訪

御墨灑湖亭勾陳入雲嶂

召許侍從臣小憩就畫舫亭午獨徘徊迢遞聞漁唱六  
橋宛沿緣兩峰屹相向指點從山僧脫帽廻堤上瞻拜  
武穆墳酌酒發悲愴還過冷泉亭兀坐茶煙飈奇峰真  
飛來驚歎莫能狀勝地難久停歸趁湖波漲道人索題

詩留待後來償。殘陽挂斷塔，古色落儀榜。薄暮趨行宮，劒珮依仙仗。

登吳山過紫陽洞二首

洞側有橐駝峰  
亦名小飛來峰

名山今入手，長嘯向孱顏。城闕煙中出，江湖杖底環亭。

開瞻

睿藻路轉得禪關，吳越當年恨消沈。磬響間

峰亦飛來號。耽幽訪洞宮，崎嶇藏結構。曲折入冥蒙，遺

像閑雲外。洞有元丁野鵠像 跖花斷檻中，林鴉催客去。馬首月

如予

滄浪亭詩

會昌九老圖歌

香山老仙風流客致政歸來洛陽宅合樽尚齒招六賢  
拖紫紝朱盡頭白後來方外兩令威年貌絕倫竝几席  
九老八百十六歲此會人間信創獲賦詩紀事繪作圖  
頓使千秋仰高躅叶或琴於榭棊於舟或展圖書互探  
索衣冠嵬峨鬚眉古童僕清妍戶庭寂一亭林際更幽

閒落葉頻掃莓苔積畫畫者誰天機精寫出冲襟洽泉

石流傳妙蹟到紹興宸翰揮灑生顏色吳興趙松巴蜀

鄧善之競題名秘覩棠村梁相國抵荆玉叶老夫何幸得拜

觀一段零纊神奕奕會昌典刑令人欽豈獨寶此粉與  
墨我膺旄節近縣車撫卷歸歎念轉迫幾時結社深波  
鄰也效耆英踵其跡

遊攝山棲霞寺二首

寺有隋文帝塔江總唐高宗碑寺後有千佛巖

江皋尋勝地谷口望踈林藤杖逶迤入香樓梵唱深豐

碑留蘚砌湧塔冠雲岑世界人天接真教洗客心

攝級向山巔神清忽悚然巖花千佛遶松響半空傳僧

老初成志楚雲禪師  
方輞山志機忘共品泉題詩良自愧江令有

名篇

靈谷寺

揩筇循鍾山曲徑投靈谷法界幾劫灰紺殿會新築鐘  
魚迥深沈是處妙香觸瞻禮寶公塔遺像何穆穆風鈴  
語一聲相戒莫敢躡此地富松梅蒼髯映寒玉今來總

如掃晴嵐但迎目荒涼琵琶街鼓掌駭童僕瑣瑩功德  
水漱齒清心曲載過贊公房離花媚幽獨即境熱惻除  
跏趺願良足詩元不礙禪得句刻牕竹

以文休承定園禪定圖贈開先淵公因題二絕句  
文家畫手數休承幾筆秋山得未曾黃茅龕子空林下  
此際誰參最上乘

老僧愛畫入骨髓小幅攜歸數淺原拾松煮瀑生涯在  
解道淵公即定園

題石谷畫

浮嵐暖翠元劇跡天池石壁亦一奇鳥目山人今子久  
兩圖高韻此兼之

夢中詠茶得首二句醒而足成之

採摘烟霞窟神韻金石含表中郎評亦有金石氣

桐陰閒啜罷三

昧此中參

送馮山公歸試錢唐次留別元韻

湖上驚看未易才炎天冰雪好懷開談深科跣同踈放

注罷蟲魚美博該山公方歸櫂六橋秋色裏橫江八月

注蘇詩

晚潮來公車待送滄浪畔重倒玻瓈澈濫杯

宿實應人家

落日照窮巷茅堂靜如許梧葉紛庭階蕉衣被牕戶而  
我此停車抖擻衣上土聊取濁酒傾還將素琴鼓永夜  
耿無眠蕭蕭聽秋雨

過喬石林侍讀縱櫂園感賦

城闕一徑入深波秋老荒園振策宜野水廻環山映帶

殘荷飄颻柳低垂溪堂牋挂東坡字  
柳庚廟碑漁具堪吟魯

柳庚廟碑漁具堪吟魯

望詩采采白蘋斜照裏十年興廢使人悲

淮揚賑饑示官吏

淮揚咽喉郡相望江海邊三紀河伯騎沃野偏淪漣緊  
余移鎮來適丁災浸年四載勞補救奔走洪流前蠲租  
二百萬蕪糜水衡錢賑過銀米百五十萬屢請被吏議獨荷

聖主憐

余以災田請作版荒停免  
部議罷斥蒙恩薄謹

今春

翠華臨加意謀安全疏踰愁禹績留漕惠顛連

詔旨漕米十萬

平糶  
惠民  
艷艷此子遺相率擬力田河魚忽大上千里仍長

川危險棲婦子茅茨斷炊煙村墟何處所泛泛惟漁船

漂波嗟弁麥臨風羨烏鵲重臣躬負薪手胝足復胼臣

犖承

明詔駐節向海壠輕裘鼓短櫂來往狎深淵州邑十七  
八擘畫廢夜眠薄俸分已盡倉廩更蕩然何以答任使  
俯仰憂懷煎

九重實洞燭轉粟

恩命宣

上諭江右撫臣運衆商方戴德杭稻來委閩時米十萬賑濟淮揚衆商方戴德杭稻來委閩時

商方蒙減課

特

羣公競佽助

各官皆

有賑米稍稍給粥餉余

家幸接壤致禾三百廩

余倡捐米參

眼底饑溺傷庶幾免播

遷作詩示官吏相期共勉旃無使滋中飽哀鴻慰迷遭

富公賑青齊盛事史冊傳豈敢希古人但願寡尤讐漫

郎委符節我志久拳拳歲晏公事了好賦歸來篇

附和前韻

馮景

大浸困淮揚薰風來日邊

命公殿南服河潤同淪漣憶自高堰決川后驕頻年  
四載厄秋霖耕耘功棄前民室盡懸罄身不名一錢  
蕩析將離居公心惻然憐哀彼鴻鴈鳴保此家室全  
請蠲復請賑封事常牽連

天鑒俞孤忠農得事春田今茲望有秋秋水灌千川  
盲風挾淫雨產蠹突無煙廬舍齧洪濤民棲半在船  
飄泊隨西東有似乘風鷺乞食滿道路面黧兩足胼  
州縣十七八春郵迄淮墳

帝命往撫饑公心凜冰淵日是不遑食宵中屢廢眠  
聚米無成謀仰屋徒茫然賴有西江粟泛舟消憂煎  
雙鐸馬中丞轉輸恩亟宣公首捐鄉麥運致何閨閥  
鹽筴卹諸商五萬佐施餧感激羣有司佽助盈囷廩  
父母方孔邇井邑何忍遷水涸掃牀蘚安於卧細旃  
恩濃樂更生痛定悲前遭汲黯矯發粟仁心千古傳  
損餘補不足天道平不愆公真社稷臣開誠何拳拳

作詩示官吏氣壓春陵篇

寄懷彭無山中丞

光友邵青門嘗稱無山為鐵漢

鐵漢高名久屬公幾番愛護

主恩隆孤蹤已致層霄上羣望方殷末路中獨秀晴峰  
當幕府碧潯秋瘴掃霜風天涯歲晚相思切欲寄音書

少塞鴻

九月十三夜夢舟泊江上大雪中與故人周侍郎  
櫟園杜處士茶韻分韻賦詩余得句云故人同野  
岸急雪灑船牕既寤於枕上續成篝燈趣錄漏下

五鼓矣

夢入滄波裏重雲壓大江故人同野岸急雪灑船牕詩得荒寒助心將老宿降五更趣追寫殘燭影憧憧

月夜過天笠菴訪無絃上人時約上人住滄浪亭

纖月長河岸禪闕獨叩時竹傳當徑籟梅拗隔牆枝觀

畫懷漁隱是日觀王孟端溪山漁隱圖彈琴接頰師滄浪還有約高

詠牡丹詩

舍清亭賞芍藥同邵子湘馮山公吳荆山次梅聖

俞楊樂道留飲置芍藥韻

花事故鄉盛嘉名錫紅藥每當婪尾春平臺展讌樂老

夫客震澤芳姿想累萼遠致勞園丁種植依林薄豈豈

舍嬋嬌

故園名種

風致宛如昨壓倒金昌城不數廣陵郭招

邀澹蕩人共此花前酌况我雙戟門翛然可羅雀脫帽

苔任藉佐酒筭競研經時偏仄懷偃仰得開廓浩態與

狂香悅疑天上落雅宜明月來生憎寒雨作觴行儼卷

波矯首聞城柝折枝惜旖旎張幄添灼爍翻階闌新句

豈同士女謔司花何狡猾舊譜武仲略載把都官詩高  
吟向鈴閣

附前題奉和用韻

邵長衡

中州盛牡丹邇又誇芍藥瑪瑙盈尺槃樓子十重萼  
紅白爭纊紛一一標名各種詎止三十翻笑花譜略  
風雅得元公移根自宛洛種近含清亭疏畦藉鉏鑊  
立夏三日晴名葩披灼爍枝枝風嫋嫋朵朵露娟娟  
亭空映紅闌樹密張翠幕公為文字飲餽釘閒杯酌

櫻桃筠籠寫鮮筍  
清泉淪甌香日注  
嘉釀添玻瓈薄半  
酣徵故事高談展  
懽謔廣陵金帶圍  
魏公久寂寞東武  
玉盤孟羣蘇跡成  
昨高韻繼者誰公應  
躡前屬詩篇餘事耳  
雅音振韶濩大馮况  
詩豪解衣贏盤礴  
季重亦可人一鼓氣堪作笑拍都官肩君筆真可閣

思拙筆屢閣  
即聖俞句

前題奉和次韻

馮景

鄭國漆消閒士女贈芍藥後來修禊遊流觴傳至樂

麗草殿餘春翠莖吐豐萼雪色含輝嬌心染胭脂薄  
揚州三十種繁英已成昨吳苑裁灌肥疑種橐駝郭  
鹿韭悵陳跡兔花酣晚酌方塘飲夕陽前林集歸雀  
愛茲婪尾春寧謝不忍研芳園寄幽賞暫留憇寥廓  
好待纖月臨防受微風落紅藥當階翻佳句誰繼作  
促坐未奏陔緣垣已鳴柝寓公興不淺今古互銷鑠  
懸河三尺喙高談雜詣謡作詩駕宛陵使我步崖略  
何必賦梅花清才壓官閣

前題奉和用韻

吳士玉

使院饒名花奇種來東洛牡丹最超羣驂驛乃芍藥  
入夏留餘春窈窕殿羣萼明公步屐來賓從摘蓮幕  
風迎香冉冉日照光灼灼公言故園中此花如繡錯  
大者盈一尺瓊彝玉盤託其餘復善幻五色粉淖約  
高下滋百畝本本垂瓔珞折來挿脩屏步障季倫若  
花時相經過朋好雜歌笑高人既瀟灑才士  
亦落拓徑造花下醉灌漏填巨壑雪苑風流盛俛仰

猶如昨公劇談梁園花事之盛友朋之樂

公劇談梁園花事

四座聽公語興酣添杯酌

把火遠露叢妍姿倍姍嫋憐此婪尾春感彼都官作  
公詩發高倡邵馮鬪奇博逡巡怯大敵坐令小巫却  
一鼓偶試手殼音還自怍

延熹華嶽廟碑歌

迢迢太寧參金天虞周巡幸禋祀虔集靈宮建炎漢代  
飾闕載紀延熹年望仙門下聳頭屬隸書壯偉蛟螭纏  
經始者誰表太守表逢市石者誰從事遷杜郭香察書義

徐浩古跡記以為蔡中郎書洪  
達錄釋云郭香察書者察莊他

莫辨徐洪考究終茫然  
人之端嚴自可配白帝奇古直欲追周宣無論史晨與  
韓勅撤畫已開光和先桓靈秕政令人恨斯文頗盛千  
秋傳片石不隨鐘簾改精光奕奕射獄蓮後來好事錄  
金石上絜斯邈邕隨肩有明中葉遭掊擊神物消滅同  
飛煙闕中秘藏或一二剥落那得驪珠全此本宋搨缺  
僅十一字可博一金錢河北金吾王文藻  
鵬冲老愛此摩挲  
珍比瓊琚璇何幸鴻寶入我篋虹光頓壓書畫船寄語

郭顥趙彊二子道於今好古應讓西陂專

附前題奉和

邵長衡

崑山作鎮帝所宮拔地削成三芙蓉明星玉女竝娟  
嬌天神博處鈞梯通少昊金天幹元化虞巡周望秩  
祀崇茂陵劉郎斬不死集靈宮築山之趾松喬芝蓋  
紛往來子仙茅龍大憫悒亡新變亂追東京文字磨  
滅餘荒祀此碑紀年延熹八四月維夏日廿九勒石  
者誰弘農守袁逢開先孫璆後郭香察書恐臆說曰

蔡中郎亦無考叶或云漢魏古碑今猶有例不書名  
著誰某紛紜辨駁姑置之隸法第一真瓊奇公此石  
本得何所點畫完好無瑕疵圓方古區體皆備挑拔  
勁如折刀鉗斯邈故是丈人行冰潮呼作大小兒光  
和以前得有此岣嶁石鼓肩相隨我思桓靈秕政吁  
可詫歎息痛恨誰能那鈎黨橫填北寺獄償官更諧  
西園賈太學石經空駢填鴻都鳥篆資墨唾雒陽鐘  
簾俄銷燼飛廉銅馬亦椎破獄碑巔巔歸然存十五

百年安帖妥明嘉靖間始遭搆有如嶧碑焚野火紅  
豆老人作長歌缺百廿字相矜夸何況此本缺僅十  
紙新墨古神不磨虎爪攫擎氣鬱屈蒼蚪鐵屈枯枝  
柯知公鑒賞有真識棐几一日三摩挲

前題奉和

馮景

太華山高五千仞金嶽克配昊天峻虞巡周狩省方同  
中間纂以羸秦閏芒碭風雲起赤龍山川祠祭啟秩  
宗茂陵轍跡徧天下集靈宮築嶠函封亡新矯誣神

不享露盤零落仙人掌建武以還珪璧虔勒銘實自  
弘農昉河南山鎮冠雍梁時巡禮與恆岱方觸石興  
雨蕃農桑有年祈報神歆香碑建延熹紀年八月  
廿九日逢甲袁逢經始孫璆成鼎屬嗟峨聳軒豁石  
從霸陵杜遷市書遣新豐郭香察慨自蒼頡籀變丞  
相斯龜文龍鱗迷前規小篆程邈改為隸六體又雜  
甄豐為李陽冰潮遞擅奇八分由隸權輿之要知漢  
隸之妙在龍舉戈波撇畫如錐土此帖鷹峙骨力彊

方璧圓珠鼎彝古

朱竹垞云漢隸三種一方整一流麗一奇古此帖兼之

徐浩

以為蔡邕書邕時稱疾方閑居固辭五侯鼓琴召肯

上三峰倒薤披浩之所記殆訛繆獨惜嶽碑名氏漏

或云漢刻例不名我謐見聞向誰究此事持摭無短

長桓靈時事闕大綱賣官黨鉶奄人猖青虹墮殿星

孛狼兔生兩頭四臂妖非祥三十六萬黃巾黃可憐

帝子逃螢光獨有茲碑棟業不隨炎劉亡世事都從

駒隙過千五百年陵谷墮每歎滄桑變幻多方知文

字因緣大嘉靖年間令不才碎為砌石委蒿萊六丁  
假手一何毒詎殊轟擊靈霆霄鳥嘵有成必壞循環  
理萬事紛綸盡如此商丘公耽集古錄剜苔剔蘚皆  
標目何處購此最古本字皆可識摩挲讀舊搨已苦  
缺百廿此但漫漶十五六嶧山岣嶁不可求此帖寶  
之同圖球集靈宮亦易詳攷未湏更駭歐陽修

前題奉和

吳士玉

華碑漢隸推第一芒李少昊金天晶東追嶧碑南岣

嶃光賈鼎立齊崕嶧商丘先生雅好古得此善本識  
鑒精紙新字完少缺畫嗟余一見心魂驚此碑刻自  
弘農守表孫接跡勞經營延熹八年斗建己月廿九  
日告厥成郭香察書紛聚訟古碑謂不署姓名或云  
中郎亦罕據筆蹤驚絕要莫京虎螭攫擎鳳飄舉長  
銅修鬣摩鵬鯨規連珠樹矩洩玉圓流方折隨縱橫  
按以隸法兼衆妙欲名一體誠難評祖禡上溯籀斯  
派苗裔下傳潮陽冰烹平石經尚晚出堪與追逐稱

弟兄桓靈敗德不足數摩挲墨妙娛情吾聞太華  
削成五千仞河神手擘垠崖崩雲泉天磴闕金液乘  
龍戲博多仙靈此碑歷千五百載呵護應煩劫六丁  
有明嘉靖遭掊棄可惜神物歸杳冥成毀相因固其  
理世事反覆誰能憑不見嶧山之碑焚野火岣嵝跡  
秘涕泗零公得此本真希有一字便足輕連城

前題奉和

王 獄

住歲行經華陰道嶽廟肅肅金天開老樹陰森夾階

祀古碑寥落經莓苔掘衣爰登最高閣三峰咫尺高  
崔巍雲氣蒼茫衣袂接夕陽明滅衆皺堆蘋船大片  
不肯喫搖鞭西向趨黃埃公作華嶽廟碑詩寄我句  
讀之口中流沫字裏轟風雷金鐘大鏞自撞擊韓蘇  
石鼓從胚胎和詩兩篇盤硬語牽連紀載能別裁論  
文人馮山公昌黎有與馮宿論文書聲出燥吻種爪者邵青門手掀于  
憲屬予作和恐蛇足力薄氣索難瑋瓌惟雍州古帝  
王宅榮望上自虞周推贏顛劉熾盛祠祀茂陵仙客

秋風才承露銅盤切霄漢西母為乞蟠桃裁甲帳珠簾忽零落初明腸斷通天臺洎乎東京際衰亂黃門北寺吁可哀甘陵南北兆鈞黨豺虎遘患遂令廟闕陵墓成飛灰集靈宮不可復見延熹碑碣留蒿萊千五百年尚無恙有明中葉方彥隤宋代摸搨聿近古譬如湯孔辭器兼而該公從金吾得此本聖所貴重逾瓊瑰詩中縷述信謗詭察蒞書寫其誰哉筋垂薤倒體奕奕龍擎鳳躍形恢恢即非髡鼈奏妙技總依

隸邈窮初荄爰厯凡將未遐遠八分三體供潔洞天  
丁抉取字僅十北斗增色連三台太學苦縣盡澌滅  
護持完好惟茲纔好之有力竟克致集古序就長昭  
回我猶未見摹擬澀一似有物橫頤頰新秋旗門懷  
刺往小滄浪畔聊追陪借觀亦不求甚解何妨傳示  
同提孩摩掌不將寒具汚去當其得意且須卷還什  
襲放膽傾金罍

六境圖咏

有序

康熙甲辰予以侍衛出判黃州地故有子瞻洗墨  
池從荆榛瓦礫中搜剔而修復之是為予宦遊之  
始忘歸巖者虔州山水最幽處得名自陽明先生  
予奉使經年過此亦每忘歸後予觀察通州咫尺  
京華最為紛沓賴潞河一水綠浪紅蕖風飄沙鳥  
時可怡情因葺潞亭以存舊跡趙文敏有鵲華秋  
色圖為齊州周公謹作也予以額廡訪官署夕陽  
紫翠恆於坐卧間得之不數月移藩吳會簿書旁

午閒有蘇子美滄浪亭未及探厯忽有江右之役  
江右近郭有北蘭寺據江山勝概因建煙江疊嶂  
堂與賓從遊眺其中頗擅一時之盛壬申移節平  
江政簡心閒滄浪亭近在署側取次修葺遂成名  
勝酬夙願也今歲夏鳥目山人王翬過我俾作六  
境圖敘述其事各係五言詩一章要一二故人和  
之庚辰立秋日

洗墨池

疇昔判黃州一官同泛梗江山樂清曠俯仰客懷永東  
坡洗墨池蕪沒無人境爬剔出神瀵一泓浮翠荇豈惟  
存舊跡兼可逐清景好風澹蕩吹几席淪漣影幽人對  
如鵠甌香時啜茗蛙口食墨黑楚故載池蛙食墨口黑臆說堪笑  
屏別來三紀餘幾思駕煙艇

忘歸巖

姚江千載人看山有癖好棨戟虔州時遊屐徧雲嶠幽  
巖傍通天亦名巖幾度展孤眺大書刻石壁公懷何浩浩

我來追高躅一杖凌奔峭修篁被邃谷森聳千幢蘚水  
窮雲起處默坐領其要夕陽促棲翼靈籟發宵寐而我  
亦忘歸蘇門繼清嘯

路亭

觀察通潞日奔走苦近畿東帶欲大叫如馬困韁鞬偶  
值公事了一水羨煙霏縛亭延古意四顧來清暉紅蕖  
參白鳥到眼趣不稀誰言塞垣近江鄉此庶幾遂多酬  
倡什賓從有光輝湖莊清夏圖趙大年奪取惟王翬孤山

雲外塔相望仍依依

鵲華秋色堂

濟南山水佳城郭煙嵐環鵲華好秋色鷗波貌雙鬟我  
官日兩衙盡在紫翠間故人顧我堂

朱竹垞

見者為怡顏

擬攜紅藤杖刻意窮躋攀無何置之去欲賦詩思艱冷  
雲與殘照幽夢恆相關高吟滿笥篋千年妬遺山

煙江疊嶂堂

晉卿有珍圖曰煙江疊嶂玉局最心折品在李郭上竭

來章江濱放眼得畫狀滄波帶翠巒千里列屏嶂堂開  
古寺中佳處快所向三日一登臨五日一酬唱嵯峨勝

王閣較此遜奇創白鷗閒似我來往隨蕩漾瑯琊老尚

書節督訖別樣

阮亭常目余為別樣節督

### 滄浪亭

移節來三吳我還用我法所願風俗淳坐許泉石狎訪  
古得滄浪澄明比苔蘚空亭復脩觀屋宇施版鋪牡丹  
儼風鬟荷葉展羅筵故物補棊盤韻事添琴匣遊人聯

袂來名勝虎丘壓英英子美魂吟嘯定不乏圖成當年  
譜畫手頗稱甲他日歸西陂還倩寫放鴨

喜雨

初伏已過中伏來日日南風吹不息炎帝火傘作意張  
低田車水高田坼淮揚災祲已連年此地那堪罹小厄  
恤人悶悶同左司悵望高天頻蹙額池館柳黃荷不花  
滿堂賓客皆愁色日斜忽報風陣轉門前旗脚皆南擲  
黃昏雨點如菽大乍停乍作耿胸臆三更已後遂滂沱

憂思千鄉一朝滌縣知罷輕翠罽舒嘗稻翻匙定雪白  
狂吟喜雨邀和章賦手如雲不待迫曉煙未泮好作圖

烏目山人起潑墨

西陂類稿卷十五